

池州府志卷第十三

中憲大夫知江南池州府事加六級襄平馬世永編纂

山川志八 青陽



青山在縣北五里縣治枕之故縣以名

白鶴臺在縣東南一里舊傳白鶴真人煉丹處有後唐

天成間保寧觀

吳山在縣南三里

城子山在縣南五里吳臨城縣故址

牛心山在縣東七里有南唐青陽公宋齊丘墓

宋周必大錄乾

道三年九月辛卯館于驛中尉麻即宋齊丘宅其
旁對九華而齊丘之墓在牛心山下去縣東五里

洪山一名石門山在縣南十里

峽山在縣北十里兩山夾溪而峙為縣治水口

靈巖山一名妙峯在縣東七里有漢延和間妙峯寺

龍池山在縣東十里有石池深不可測又巖下二竇宋

令曹機築方池構亭于上宋周必大曰縣東二十里有潮洞大如卓面而石穴極深

日三潮每潮其巔有石橋飛泉懸瀑最為奇勝宋祥符

中建興教寺明邑人孫承祖記

宋韓守約石山橋

石山風月跨松灘灘中水流鏗珮環橋外桃紅雨涕

潛梨花初破吳姬頰溪聲漸近松聲遙山人贈我白

雲謠白雲在天不可招駐馬石山風月橋

清泉嶺在縣西十里道旁一泉出石罅初名鮑泉繼名

淵泉宋真德秀過此為易名清泉作銘系之邑令喬幼

聞為之記今有鋪

宋真德秀清泉銘

芙蓉嗟我與天相摩氣與天通秀綠浮河地靈脈潤

如江之沱乃吐斯泉於山之阿行道渴飲孰曰勿過

淨洗五濁澡雪百疴涓涓無窮實濟實多餘澤所被

芄芄黍禾上善利物其達盈科名揭而清萬古不摩

喬幼聞清泉記

青陽縣治之西十里道旁有泉出于石罅清冽甘美
旱乾不竭前令亭而名之始曰鮑泉繼曰趙泉邑人
未之重也西山真公更其名曰清泉既大書爲之揭
且製銘以彰之自始達之善淵渟之深澡濯之潔灌
溉之潤無非以比君子之德而推其功用之博斯泉
之清遂因以顯過者必憩往者必酌誦其文而想其
人夫泉幾千百年于茲矣今也以公名而始重則公
之德與泉之清殆相與無窮也耶公出處以道大節
炳炳自兒童婦女以至夸狄皆聞名而企慕天子明
聖方召公大用以宰天下公且以其道凝爲甘露散
爲膏雨以慰蒼生之所渴仰蓋公之志見于斯銘久
矣幼聞竭來學製何幸酌斯泉而味公作銘之義敬
刻石于縣齋以毋墮朝夕觀省云

石嶺山在縣東十里鋪其下金龜原有宋待制滕宗諒
墓

讀山在縣東二十里有洞如垂鐸石作青黛色宋范文
正公仲淹幼嘗讀書于此故名今有鋪

大黃尖西山在縣南二十里有府尹施堯臣墓

長山在縣東三十里有宋范文正公祠以待制滕宗諒
配丁恭愍公黼爲之記

宋史范文正公傳稱公幼隨母
鞠于長山朱氏即其地也而舊

傳爲山東之長山非府舊志即以讀山爲長山亦誤

銅嶺山在縣東三十五里

秀巖洞在縣東讀山之上頂如華蓋中有泉

仙隱山在縣南二十里唐永徽間有仙女棲此故名西

有隱公崖仙隱洞仙婆井

楊嶺山在縣東南三十里山路險仄凡一十八灣

木瓜山在縣東三十里唐刺史杜牧爲文禱雨處今其

廟尚存又有舖

唐杜牧祭木瓜神文

維會昌六年歲次丙寅某月某日某官敬告於木以

山之神惟神聰明格天能降雲雨郡有灾旱必能救
之前後刺史祈無不應去歲七月苗將萎死禱神之
際甘雨隨至槁然凶歲化爲豐年仰神之靈感神之
德願新祠宇以崇祭祀今易卑庫變爲華敞正位南
面廟貌嚴整風雷雲雨師伯必備侍衛旗戟羅列森
然惟神繫雲在襟貯雨在缶視人如子渴即與之不
容凶邪不降疾疫千萬年間使池之人敬仰不怠伏
惟尚饗

石壁山在縣東北三十里外峭中空山半有觀音洞其
泉以清濁占晴雨山麓有唐咸通五年建壽安寺

寨山在縣東三十里有黃荆泉土人蘇氏砦此避寇亂
因名

鼉龍洞在縣東北二十里大湖之上洞寬大爽塏旁數
小洞夾之

明譚巖鼉龍洞

來隱宿蒼莽輟棹信曲折豁然林木開湖山互明滅
失道問邨童引我向石缺微徑忽而通草木秀可擷
瑤壁削天城翠環開月玦靈藥香蒙茸殊禽叫格磔
側有小竇明及入堂皇別錦攢牡蠣房網漏珊瑚鐵
七竇綴花龕千璣穿曲穴俯瞰水窟冥仰觀天坳凸
下蟠千歲螭上鎖四時蜺如見弄珠人珮音綽水
此實在人境而爲仙所閉咫尺不能知問之但橋
予也生何幸得與斯遊絕勝緣旣予饒金膏性復切
相期菡萏紅來問胡麻屑

白雲洞在縣東二十里洞仙橋之上

大小分流嶺在縣南三十里有鋪

明胡永順分流嶺

岐路朱公泣分流我亦傷南趨寧願北陰轉不從陽
總是歸江海何因畫界疆應知人世路曲曲幾羊腸
柏樹山在縣東三十里抵南陵銅陵二縣之路

聖子山在縣東十里

有宋淳熙中建永留寺

天峯山在縣東四十里

北山在縣東四十五里

石龍山在縣東四十五里

太遊山在縣東四十五里與涇縣界

玉屏山在縣西四十里與九華並峙

洞山在縣東四十里其洞有石佛座宋建炎中邑人多

避張遇之亂于此

黃蘗山在縣東南五十里接涇縣界

同山在縣南仙人峯下以其同九華而聯絡之也有

處士李昭象墓

城山在縣東北五十里其山圍匝如城故名中一峯特起

南山在縣南陵陽鄉亦與九華並峙

陵陽故縣在縣東南六十里今陵陽鎮詳疆域

招隱山在縣東南六十里陵陽故縣之下有隱真泉舊傳了鬚仙隱此後唐建招隱宮以祠之宋治平中改崇真觀

宋韓守約隱真泉

百尺蒼崖一掬泉傳言此地隱神仙山連句曲半千

里雲近蓬萊尺五天華露灌脣鶯語舊松風吹翰鶴
談玄十年奔走遐荒外到此令人薄世緣

香池山在縣東南六十里陵陽故縣

南陽山在縣東南六十五里

西峯山在縣東六十里

大有山在縣東六十里

金霞山在縣東六十里

金山在縣東六十里接南陵界其畝爲黃荆塌

蓉溪在縣南五里其源六一出九華之百丈潭一出九

華之七布泉一出九華之黃匏城龍溪一出九華之西

洪嶺一出小分流嶺一出仙隱山會于臨城遶縣治而

北經峽山達大通河入江

雙河在縣東三里其源五一出大分流嶺一出斜山一

出竹溪一出古田一出龍池山會于縣東遶縣治而北

經峽山達大通河入江

宋戴昂從板橋買舟上青陽

卸馬板橋西扁舟逆上溪水鍍齒骨斷煙截樹頭齊

野鴨驚人起却難上樹啼老農頭雪白猶自把鋤犁

橫橋河在縣北十里其源二一出清泉嶺一出查坑俱

經濟港合青山水由分橋會于夾山達大通河入江

管埠河在縣北二十五里其源九一出查坑一出葛邨
一出水龍山一出芭芒港一出橫路港一出社橋一出
大游山一出黃蘗嶺一出西坑嶺會于石堰經木竹潭
與東河諸水總達之通河入江

博山河在縣南七十里其源四一出大分流嶺一出瀾
灘港一出亭子坑一出何坑會于陵陽鎮觀前從琉璃
嶺下入石埭之舒溪按縣志載有錢鏐及張果老
墓在河濱似屬不經故去之

明湯顯祖青陽道中

博山橋上晚煙吹花氣晴雲暖石池解道青陽人易
老道有仙家故壘

池州府志卷第十三

池州府志卷第十四

中憲大夫知江南池州府事加六級襄平馬世永編纂

山川志九 銅陵

五松山在縣南四里山舊有松一本五枝蒼鱗老幹喬
翠參天故名有唐李太白祠

唐李白紀南陵題五松山

聖達有去就潛光愚其德魚與龍同池龍去魚不測
當時版築輩豈知傳說情一朝和毅人光氣爲列星
伊尹生空桑指庖佐皇極桐宮放太甲攝政無愧色
三年帝道明委質終輔翼曠哉至人心萬古可爲則

時命或大謬仲尼將奈何鸞鳳忽覆巢麒麟不來過
龜山蔽魯國有斧且無柯歸來歸去來宵濟越洪波
與常贊府遊五松山

安石泛溟渤獨嘯長風還逸韻動海上高情出人間
靈異可並跡淡然與世間我來五松下置酒窮躋攀
徵古絕遺老因名五松山五松何清幽勝景美沃洲
蕭颯鳴洞壑終年風雨秋響入百泉去聽如三峽流
剪竹埽天花且從傲吏遊龍堂若可憩吾欲歸精修
於五松贈南陵常贊府

爲草當作蘭爲木當作松蘭幽香風遠松寒不改容
松蘭相因依蕭艾徒丰茸雞與雞並食鸞與鸞同枝
揀珠去砂礫但有珠相隨遠客投名賢真堪寫懷抱
若惜方寸心待誰可傾倒虞卿棄趙相便與魏齊行
海上五百人同日死田橫當時不好賢豈傳千古名
願君同心人於我少留情寂寂還寂寂出門迷所適
長鉞歸來乎秋風思歸客

五松山送殷淑

秀色發江左風流奈若何仲文了不還獨立揚清波
載酒五松山頽然白雲歌中天度落月萬里遙相過
撫酒惜此月流光畏蹉跎明日別離去連峯鬱嵯峨

五松山

我愛銅官樂千家未擬還要須回舞袖拂盡五松山
宿五松山下荀媪家

我宿五松下寂寥無所歡田家秋作苦鄰女夜春寒
跪進雕胡飯月光明素盤令人慙漂母三謝不能飡
南陵五松山別荀七

軒昂潁水荀何慙許郡賓相逢太史奏應是聚賢人
玉隱且在石蘭枯還見春俄成萬里別立德貴清真
荅杜秀才五松見贈

昔獻長楊賦天開雲雨懽當時待詔承明裏皆邁揚
雄才可觀敕賜飛龍二天馬黃金絡頭白王鞍浮雲
蔽日去不返總爲秋風摧紫蘭角巾東出商山道採
秀行歌咏芝草路逢園綺笑向人兩君解來一何好
聞道金陵龍虎盤還同謝眺望長安千峯夾水向秋
浦五松名山當夏寒銅井炎鑪歇九天赫如鑄鼎荆
山前陶公矍鑠呵赤雷回祿睢盱揚紫煙此中豈是
久留處便欲燒丹從列仙愛聽松風且高臥颼颼吹
盡炎氛過登崖獨立望九州陽春欲奏誰相和聞君
往昔遊錦城章仇尚書倒屣迎飛牋絡繹奏明主天
書降問迴恩榮翫麟不能就圭組至今空揚高蹈名

夫子工文絕世奇五松新作天下推吾非謝尚邀彥
伯異代風流各一時一時相逢樂在今袖白雲開
素琴彈爲三峽流泉音從茲一別武陵去別後桃花
春水深

宋林桷太白五松書院

翰林最愛五松山嘗說千年未擬還而我抗塵良自
愧來遊祇得片時間

千載名山樂有餘功名嘗愧十年書英風凜凜無今
古醉草明光一夢如

蕩漾清溪兩槳飛趨行不及到斜暉無人跪進雕胡
飯只學盧仝啜茗歸

爲儒爲吏兩無功采石銅官邂逅同四見清明今一
換歸歟我欲片帆東

又

江風朝暮半晴陰紺宇飛甍接翠岑手摘匏瓜曾未
遍身從鷗鳥得相尋千年舞袖雲崖冷幾度桃花春
水深猶有門前舊詩句松風萬壑老龍吟

戴島五松山太白祠堂

白注太白讀書之地詩有
要回長袖舞拂盡五松山

即此
山也

艤舟來訪寶雲寺快上山頭尋五松捉月仙人呼不

醒一間老屋戰西風

李彌遠五松寺

秋風吹客衣去路倚天壁躋攀一何官正坐愛山癖
人言五松下曾是瞿曇宅至今梧竹陰列屋棲禪寂
塵纓得暫解俗駕聊可息怡顏巖間樹洗耳泉上石
孤雲共往還窈窕去無跡道人粲可流獨步少林席
客來了不言碧眼照庭柏希聲出鍾梵妙意生牆壁
寒灰暗青燈偶坐遂終夕歸來人境空缺月挂山額
元宋无銅陵五松山中

樵聲聞遠林流水隔雲深茅屋在何處桃花無路尋
身黃松上鼠頭白竹間禽應有仙人住遊秦來至今
明余敬中江上望五松

江上望五松松陰鬱偃蓋鐵幹蟠蒼蚪日月常晡暖
靈根何處來疑是天帝賚中門神物護斧斤能遠害
夜靜山月懸笙竽發天籟
熒條颺颺飛濤驚野外
埭塢巢鶴鶴點綴開圖
輪囷底下土雲鎖甘澍沛
詎襲羸氏封功施尤爲大謫仙舞袖迴長嘯憑酒酌
坡老落征帆拂翠臨清瀨勝遊跡雖陳瑤篇傳炙膾
余昔策款段班荆驩翁會綠雪灑川原青靄滴襟帶
堅貞締金石樸漱薄蕭艾別爾十餘稔今得旋塵旆

不改歲寒姿憐余情藹藹貌玄多病身帶華頗自刻
頌言餐絲苓長生胥此賴

鐵船口在五松山前湖田之下首尾船形如積鐵晉得
陽太守張寬歿為神于此一夕乘鐵船至為人所見乃
以船溺而露首尾焉後土人立神廟取鐵入冶鑄遂真
以為鐵
船云

明王守仁過銅陵觀鐵船

青山滾滾如奔濤鐵船何處來停橈人間剗木寧有
此疑是仙人之所操仙人一去幾千載山頭日日長
風號船頭出土尚髣髴後岡有石云船梢我行過此
徒忖度昔人用心無從來風波平地惡縱有鐵

船遠未牢秦鞭驅之不能動界力何以施其篙我欲
乘之訪迂島雷師鼓柁虹為縑弱流萬里不勝芥復
恐駕此成徒世路難行每如此獨立斜陽首重搔
天王山在縣西北二百許步宋有富覽亭宋周必大錄
山上有富覽

望江流三夾
到岸即濡須也

宋張孝章富覽亭

碧瓦朱甍接翠崖週迴無地著纖埃山從雲脚斷邊
出水向天根盡處來去蜀征帆輕渺渺隔淮春樹綠
洄洄偷閒一到塵襟襟坐見星河落酒杯

王十朋富覽亭

一望之中萬象新
銅官寶嶂悉生春
風光拚取收囊底
宦況于今也不貧

○明李士元登天王山

何處名山入市廛
市廛原不到山巔
清風引籟幽還爽
曲逕緣崖斷復連
帆影每隨雲影逝
人聲時共鳥聲傳
箇中佳勝知何限
不信人寰有洞天

○余翹陪傅郡丞飲天王山

上游鎖鑰控南州
暇日邀賓選勝遊
境轉天王堪眺望
尊開地主信風流
松林濤湧江聲合
蘿磴泉飛暑氣收
一自峴山留碣後
使君遺愛並千秋

○麓首山在縣東二里有宋陳公園今失其處或曰近此山之麓

○宋蘇軾陳公園內有二池

南北山光照綠波
濯纓洗目不須多
天空月滿宜登眺
看取青銅兩處磨

春池水暖魚自樂
翠嶺竹靜鳥知還
莫言疊石小風景
捲簾看盡銅官山

落帆重到古銅山
長是江風阻往還
要使謫仙回舞袖
千年翠拂五松山

按此三詩蘇集無

銅官山在縣南十里山向產銅唐置銅官於此其麓有

靈祐王廟廟後惠泉遠山流十餘里爲惠溪從礬港入

江按唐書僖宗文德元年楊
行密襲宣州遣兵于此

宋梅堯臣銅官山

碧鑛不出土青山鑿不休
青山鑿不休坐令鬼神愁

戴昺歸途過銅官山

山徑崎嶇落葉黃青松疎處漏斜陽
鳴聲無數聲相應

應一陣微風野菊香

元貢奎銅官山

遙遙銅官山逆水去千里山瘦木落衣水涸石見底

棹此一葉舟觀山復觀水得山可棲身得水可洗目

中有千載松根深茯苓美獨鶴巢空枝歲晚知所止

愧我驅塵跡去去獨未已長歌呼謫仙回首白雲起

寶山在銅官山之左有洞二其一出泉名滴玉

廢利國監在銅官山之下去縣四里許唐冶銅之所自

宋以來銅沙竭監廢

龍口嶺在縣南二十里

儀鳳山在縣東南十五里

伏牛山在縣南三十里

石耳山在縣南二十餘里兩峯並峙一石高丈許有巨

人跡名真人峯亦名仙姑臺禱雨輒應

本朝彭文煒石耳山

聽法曾聞石點頭此峯有耳更何求涓涓瀉澗疑甘

露渺渺凌空接碧丘霧積風驟何處駕雲情雨態此

間留仙蹤莫訝成虛誕流水桃花古渡幽

分鄉嶺在縣東二十里龍口嶺之南為鄧源與大欄者

分界

鵲頭山在縣北十里與江西岸之鵲尾渚相對鵲尾屬

州江中則鵲洲也胡三省通鑑注宋鵲洲在宣城郡南

傳稱劉胡率輕舸四百由鵲頭即春秋時鵲岸左傳昭

楚子伐吳吳人六朝置鵲頭戍宋書鄧琬傳陶亮也軍

鵲頭而還按鵲外鵲裏即鵲頭內路外挑戰吳獻之追至

先命南亮州刺史侯填率銳卒輕舸襲南陵鵲頭等戍

平南陵鵲頭諸城是則鵲頭當日有成又有城也廣信

按鵲陵即鵲岸變文耳今俗呼十里長山有城狀鎮唐

宗咸通五年置有渡達西岸土橋

明吳與鄉十里長山

羣岡聯絡接銅陵何代流傳十里名隔岸屏相應

好片帆歸詠正秋清

響山在縣南十五里

石門山在縣南十五里兩山石壁對峙如門望之深秀

明李宗泗石門山

斜日行邨落秋風渡野橋流泉通石眼細路轉山罅
洞小雲生薄巖高月上遙碧潭清可掬分半洗詩瓢

獨山在石門山南巋然獨峙故名

西峯山在縣二十里

金山在縣東二十里有金牛洞南有鬪牛嶺舊傳有金牛從洞出

居人攔之故地有大攔小攔而嶺上遺鬪牛之跡也

青山在縣東二十里

龍泉山在縣南二十五里南洪有宋興化寺

元房芝蘭重遊興化寺

古寺藏山麓重遊興覺賒晴巒萬疊轉寒澗一泓斜

望日頻懸闕看雲暫擬家登臨將近夕歸路趁殘鴉

羊山在縣西三十里一磯臨江最險峻

翼龍山在羊山之側

長隴山在縣西南四十里大通鎮

龍宮山在縣東南二十里上有龍池下有宋福寺

銅精山在縣東二十里有銅坑

杏山在縣東三十里舊志稱葛洪種杏燒丹處山素產

土硃其穴土人以爲丹壙也山麓有花堰泉

城山在杏山之側中平外峭西南一徑可登有城山砦

縣志若乃土人避兵地
明初傅友德攻下之

義安故縣在縣東三十里今之順安鎮也詳疆域有舊臨津驛順安樓

○宋王安石順安臨津驛

臨津豔豔花下樹夾徑斜斜柳數行却憶金明池上路紅裙爭看綠衣郎

○元房芝蘭題順安樓

窗含野色入平吞極目漁樵江上邨流出異香花堰水放開老翠葉山雲竹邊僧寺鷗沙遶柳外人家驛路分持月參天蟠地脈門前雙樹幾斜曛

葉山在縣東五十里形如卓筆有蓮花峯靈竇泉諸勝

有葉真人廟

縣志唐葉真人法善修煉于此故名葉山有廟

山陽有河泉從懸

瀑而下至葉真人廟後又伏流地中亦一奇境也

宋王安石靈竇泉

山霽石有千年潤海眼泉無一日乾天下蒼生望霖

雨誰知龍向此中蟠

按此詩建德志又載入堯封墓碑類蘇長公書未知孰

是

貴山在縣東五十里葉山之東有獅子峯百丈峯馬鞍峯而獅峯最奇特有噴珠泉其平脊有宋嘉定間建清涼寺上下三區今存下寺侍郎羅京故宅在焉

鳳凰山在縣東五十餘里貴山之東南有泉一泓宋熙寧中賜道士趙自然觀在山麓今廢

雲谷山在縣東南五十里

胡城在縣東六十里縣志舊傳有神一夕于此顯城一相去各二里許中有太子廟一

澗由三江口至荻港入江

天門山在縣西南四十里高聳雲表有天門泉續文獻通考天

門水銅陵縣南四十里出天門山澗昔山下有晉天福數里灌漑民田流永城隍至荻港入江

中所建寺宋嘉祐中賜額梵天

元房芝蘭梵天寺泉

雲根流水瀉寒聲冷沁禪關竹樹清氣泄化胎飛寶

錫巖開冰谷愧塵纓鶴林月浪秋常浸龍海波清六

忽驚分我一瓢甦旱歲化為霖雨澤蒼生

重遊梵天寺郡志作興化寺今從縣志

門前流水碧粼粼禪定僧閒化復淳攪夢半因詩作

崇破寒全藉酒生春休教一切有為法誤著三生自

在身拂袖重來經五載梵雲飛雨灑儒巾

五峯山在縣西南四十里自天門山逶迤而起五峯如

指峻極邑南有泉亦最澄澈

橫山嶺在縣東南七十里南陵界有滴水巖

馬仁山在縣東七十里與繁昌界舊名馬人山有韜玉

龍首馬人羅漢雙柱五峯望江石觀音巖石菴唐陳商

王冲霄隱此縣志山石名有馬人唐德宗時馬忽妖

大江上自大通河南岸貴池縣界下抵荻港太平府繁

昌縣界計一百二十里其夾曰銅陵夾在縣西十里即

就帆道行十餘里入銅陵夾方定燕支夾在縣東北其

洲曰下荷葉洲在縣西南橫港洲在縣西南曹韓洲在

西門外其沙背圓邑丁家洲在縣東北十五里應即

年姜才以與屬孫虎臣為先鋒拒元兵于丁家洲德祐

世祖至元十二年伯顏與平章阿合馬等擊孫虎臣與

丁家洲宋師潰順帝至正十二年上顏繼木絕地與與

輝戰于丁家洲敗之遂復銅陵縣禽其賊帥後地

白沙洲在縣北小湖洲在縣北老鸛洲在縣北

錢家洲在老鸛洲下紫沙洲在縣北其磯曰羊山磯在縣南

最險峻舊傳宋樊若水量江于此得馬寨磯在縣南石

六百丈因名六百丈有渡達桐城

龍磯在縣西北二里許磯下石洞二明令崔維律建滄

淺局無足觀稍前小磯在石

江邊有瑪瑙石龍上

宋張耒宿銅陵

山色日已遠聞人歸路長碧天涼後闊秋物雨餘荒

人靜路旁寺鳥
銅陵竟何就空死漢吳王
李綱銅陵阻風
春色到江渚梅花正斷魂風波留遠櫂煙雨濕寒邨
鴈過傳遺響潮來沒舊痕淒涼一尊酒愁絕與誰論

一望之中萬象新
銅官寶嶂悉生春
風光拚取收囊底
宦況于今也不貧

○明李士元登天王山

何處名山入市廛
市廛原不到山巔
清風引籟幽還爽
曲逕緣崖斷復連
帆影每隨雲影逝
人聲時共鳥聲傳
箇中佳勝知何限
不信人寰有洞天

○余翹陪傅郡丞飲天王山

上游鎖鑰控南州
暇日邀賓選勝遊
境轉天王堪眺望
尊開地主信風流
松林濤湧江聲合
蘿磴泉飛暑氣收
一自峴山留碣後
使君遺愛並千秋

○麓首山在縣東二里有宋陳公園今失其處或曰近此山之麓

○宋蘇軾陳公園內有二池

南北山光照綠波
濯纓洗目不須多
天空月滿宜登眺
看取青銅兩處磨

春池水暖魚自樂
翠嶺竹靜鳥知還
莫言疊石小風景
捲簾看盡銅官山

落帆重到古銅山
長是江風阻往還
要使謫仙回舞袖

袖千年翠拂五松山

按此二詩蘇集無

銅官山在縣南十里山向產銅唐置銅官於此其麓有

靈祐王廟廟後惠泉遶山流十餘里爲惠溪從礬港入

江按唐書傳宗文德元年楊行密襲宣州進兵于此

宋梅堯臣銅官山

碧鑽不出土青山鑿不休青山鑿不休坐令鬼神愁

戴易歸途過銅官山

山徑崎嶇落葉黃青松疎處漏斜陽鳴聲無數聲相

應一陣微風野菊香

元貢奎銅官山

遙遙銅官山逆水去千里山瘦木落衣水涸石見底

棹此一葉舟觀山復觀水得山可棲身得水可洗目

中有千載松根深茯苓美獨鶴巢空枝歲晚知所止

愧我驅塵跡去去獨未已長歌呼謫仙回首白雲起

寶山在銅官山之左有洞二其一出泉名滴玉

廢利國監在銅官山之下去縣四里許唐冶銅之所自

宋以來銅沙竭監廢

龍口嶺在縣南二十里

儀鳳山在縣東南十五里

伏牛山在縣南三十里

石耳山在縣南二十餘里兩峯並峙一石高丈許有巨

人跡名真人峯亦名仙姑臺禱雨輒應

本朝彭文煒石耳山

聽法曾聞石點頭此峯有耳更何求涓涓瀉瀉澗疑甘
露渺渺凌空接碧丘霧驂風驤何處駕雲情雨態此
間留仙蹤莫訝成虛誕流水桃花古渡幽

分鄉嶺在縣東二十里龍口嶺之南為鄧源與大欄者

分界

鵲頭山在縣北十里與江西岸之鵲尾渚相對鵲尾屬

州江中則鵲洲也胡三省通鑑注宋鵲洲在宣城郡南

傳稱劉胡率輕舸四百由鵲頭即春秋時鵲岸左傳昭

楚了伐吳吳人六朝置鵲頭戍宋書鄧琬傳陶亮也軍

鵲頭內路欲攻錢谿則欲沂江逆上矣梁書王僧辨傳

先命南充州刺史侯填率銳卒輕舸襲南陵鵲頭等戍

至即尅之陳書周文育傳命文育與杜僧明常為軍鋒

平南陵鵲頭諸城是則鵲頭當日有戍又有城也廣信

哀江南賦云鵲陵焚成今俗呼十里長山有城沃鎮唐

按鵲陵即鵲岸變文耳宗咸通五年置有渡達西岸土橋

明吳與弼十里長山

羣岡聯絡接銅陵何代流傳十里名隔岸屏相應

好片帆歸詠正秋清

響山在縣南十五里

石門山在縣南十五里兩山石壁對峙如門望之深秀

明李宗泗石門山

斜日行邨落秋風渡野橋流泉通石眼細路轉山腰
洞小雲生薄巖高月上遙碧潭清可掬分半洗詩瓢

獨山在石門山南巋然獨峙故名

西峯山在縣二十里

金山在縣東二十里有金牛洞南有鬪牛嶺舊傳有金牛從洞出

居人攔之故地有大攔小攔而嶺上遺鬪牛之跡也

青山在縣東二十里

龍泉山在縣南二十五里南洪有宋興化寺

元房芝蘭重遊興化寺

古寺藏山麓重遊興覺賒晴巒萬疊轉寒澗一泓斜

望日頻懸闕看雲暫擬家登臨將近夕歸路趁殘鴉

羊山在縣西三十里一磯臨江最險峻

翼龍山在羊山之側

長隴山在縣西南四十里大通鎮

龍宮山在縣東南二十里上有龍池下有宋福寺

銅精山在縣東二十里有銅坑

杏山在縣東三十里舊志稱葛洪種杏燒丹處山素產

土硃其穴土人以爲丹壙也山麓有花堰泉

城山在杏山之側中平外峭西南一徑可登有城山砦

縣志若乃土人避兵地
明初傅友德攻下之

義安故縣在縣東三十里今之順安鎮也詳疆域有舊臨津驛順安樓

○宋王安石順安臨津驛

臨津豔豔花下樹夾徑斜斜柳數行却憶金明池上路紅裙爭看綠衣郎

○元房芝蘭題順安樓

窗含野色入平吞極目漁樵江上邨流出異香花堰水放開老翠葉山雲竹邊僧寺鷗沙遶柳外人家驛路分持月參天蟠地脈門前雙樹幾斜曛

葉山在縣東五十里形如卓筆有蓮花峯靈竇泉諸勝

有葉真人廟縣志唐葉真人法善修煉于此故名葉山有廟山陽有河泉從懸

瀑而下至葉真人廟後又伏流地中亦一奇境也

宋王安石靈竇泉

山霽石有千年潤海眼泉無一日乾天下蒼生望霖

雨誰知龍向此中蟠按此詩建德志又載入堯封墓山云一碑類蘇長公書未知孰

是

貴山在縣東五十里葉山之東有獅子峯百丈峯馬鞍峯而獅峯最奇特有噴珠泉其平脊有宋嘉定間建清涼寺上下三區今存下寺侍郎羅京故宅在焉

鳳凰山在縣東五十餘里貴山之東南有泉一泓宋熙寧中賜道士趙自然觀在山麓今廢

雲谷山在縣東南五十里

胡城在縣東六十里縣志舊傳有神一夕于此顯城一相去各二里許中有太子廟

澗由三江口至荻港入江

天門山在縣西南四十里高聳雲表有天門泉續文獻通考天

門水銅陵縣南四十里出天門山山下有晉天福中所建寺宋嘉祐中賜額梵天

元房芝蘭梵天寺泉

雲根流水瀉寒聲冷沁禪關竹樹清氣泄化胎飛寶

錫巖開冰谷愧塵纓鶴林月浪秋常浸龍海波濤定

忽驚分我一瓢甦旱歲化為霖雨澤蒼生

重遊梵天寺郡志作興化寺今從縣志

門前流水碧粼粼禪定僧閒化復淳攪夢半因詩作

崇破寒全藉酒生春休教一切有為法誤著三生自

在身拂袖重來經五載梵雲飛雨灑儒巾

五峯山在縣西南四十里自天門山逶迤而起五峯如

指峻極邑南有泉亦最澄澈

橫山嶺在縣東南七十里南陵界有滴水巖

馬仁山在縣東七十里與繁昌界舊名馬人山有韜玉

龍首馬人羅漢雙柱五峯望江石觀音巖石菴唐陳商

王冲霄隱此縣志山石名由馬人唐德宗時馬忽妖

大江上自大通河南岸貴池縣界下抵荻港太平府繁

昌縣界計一百二十里其夾曰銅陵夾在縣西十里即

就帆道行十餘里入銅陵夾方定燕支夾在縣東北其

洲曰下荷葉洲在縣西南橫港洲在縣西南曹韓洲在

西門外其沙背圓邑丁家洲在縣東北十五里應即古

年姜才以與屬孫虎臣為先鋒拒元兵于丁家洲德祐二

世祖至元十二年伯顏與平章阿合馬等擊孫虎臣與

丁家洲宋師潰順帝至正十二年十顏續木地與與

輝戰于丁家洲敗之遂復銅陵縣其地歸縣也

白沙洲在縣北小湖洲在縣北老鸛洲在縣北

錢家洲在老鸛洲下紫沙洲在縣北其磯曰羊山磯在縣南

最險峻舊傳宋樊若水置江于此得馬寨磯在縣南石

六百丈因名六百丈有渡達桐城

龍磯在縣西北二里許磯下石洞二明令崔維律建治

淺局無足觀稍前小磯在石

江邊有瑪瑙石龍上

宋張耒宿銅陵

山色日已遠聞人歸路長碧天涼後闊秋物雨餘荒

人靜路旁寺鳥
銅陵竟何就空死漢吳王
李綱銅陵阻風
春色到江渚梅花正斷魂風波留遠檝煙雨濕寒邨
鴈過傳遺響潮來沒舊痕淒涼一尊酒愁絕與誰論

楊萬里從丁家洲避風行小港出荻港大江三首

蓼岸藤灣隔盡人。大江小汊繞成輪。圍蔬放荻不爭

地種柳。堅堤非買春。匏瓠放教俱。上屋漁樵相倚自

成鄰。夜來更下西風雪。蕎麥梢頭萬玉塵。

荻籬蕭灑織來新。茅屋橫斜畫不真。乾地種禾那用

水。自注園中有濕蘆經火自成薪。而火其枝葉。地島

居莫笑三百里。菜把活他千萬人。自注丁家洲闊三百里。只種蘿蔔賣。

至金陵。白浪打天風動地。何曾驚著一微塵。

蘆揮塵尾話清秋。柳弄罽支舞綠洲。引得長風顛入

骨。戲拋白浪過千樓。十程擬作一程快。一日翻成十

日留。未到大江愁。未到大江到了更添愁。

陸游夜宿羊山。集作磯。將曉大雨北風甚勁。餓頃

行三百餘里。

五更顛風吹急雨。倒海翻江洗殘暑。白浪如山潑入

船。家人驚怖篙師舞。此行十日苦滯留。我亦蘆叢厭

鳴櫓。書生快意輕性命。十丈蒲帆百夫舉。星馳電騫

三百里。坡壠聯翩雜平楚。船頭風浪聲愈厲。助以長

笛。搗鼉鼓。豈惟滂湃震山岳。直恐瀕洞連后土。起看

草木盡南靡。水鳥號鳴集洲渚。稽首龍公謝風伯。區

區未禱煩神許。應知老去負壯心。戲遣窮途出豪語。

王十朋銅陵阻風

自注五松山李太白讀書處有魯直雙墨竹詩今三矣

兩年官絕塞萬里下瞿塘秋浦浪方息銅陵風又狂
五松人憶白雙竹句思黃今夜舟中月中秋何處光
江入銅陵縣舟藏蘆葦間郵亭危壓浦佛屋陋依山
月出烏將繞風高鴈欲還江山不負處一覽見塵寰

自注山有富覽亭

元楊奐泊舟老鸛嘴

袞袞風生背娟娟月印沙船頭平壓浪棹尾捷成花
老去長為客愁來轉憶家雙棲疎影裏羨殺柳邊鴉

明陶安羊山磯

東岸磯頭擁赤霞西邊沙渚老蒼葭江流盤束如衣
帶水急船遲日又斜

吳與弼銅陵舟中

歸心日日數郵程楚水吳山次第迎安藥有窩時在
眼只憐無計荅昇平

李宗泗宿丁家洲

三朝淫雨兩朝風夜泊蘆花小港中似案遠山渾礙
月如船高浪欲平空霜侵楊柳蕭疎綠水暗芙蓉寂
寞紅人倚篷窗秋滿眼酒懷詩興兩爭雄

羅倫銅陵江上對月

脈脈銅陵水迢迢玉鏡飛相隨千里外還到故園扉
夜靜虛清鑒風微蕩綠輝此心如髣髴圓缺不相違
王世貞病中過銅陵遇雨

江館能收望漁磯亦罷曾誰憐伏枕客風雨過銅陵

陶琰紫沙洲

風歇日東下相將問水隈門隨江岸轉市趁晚舟開
歲事惟收菽人家欲放梅窘途多異景長夜且銜杯
○翁金堂舟中望石龍磯

北海神人何有叟手持玉策驅蚪走乘飈駕電指南
來越國經都日八九江上適遇天王氏邀之共飲三

松酒神人不顧走自如疾呼勿應但揮手天王大怒
叫帝閻帝命銅官往馴揉神人間之棄蚪去飛入白
雲拂雙袖銅官大夫召地丁鎖蚪金繩如玉紐長蚪
欲去去不得昂藏宛轉惟驤首月明照見甲參差風
動時聞大聲吼鱗間的歷滿金沙萬斛鮫珠常噴口
玉爪爬開亂石堆蒼煙披拂長堤柳磊塊還堪鎮地
關魁竒端足雄江右我來擊節過其前凝眺徘徊成
坐夕醉後清狂發浩歌爲爾留題傳不朽墨花零落
映空潭安得筆鋒大如帚

湯顯祖銅陵

向夕燕支夾遙分白馬看滄浪荷葉點洲名春色鳳心
知名河邑小無城郭人歡有歲時誰憐江上影懸弄五
松枝

曹學佺銅陵

杏葉山崩堰梅根渚少煙爲魚從古歎置冶迄今傳
大小牛欄固東西鵲岸連五松山下媪能醉李青蓮
本朝劉廷鑿六百丈記

銅陵縣南三十里有江曰六百丈南唐時池州人樊
若水量江於此廣六百丈遂名若水字叔清本京兆
長安人祖知諭事楊吳令金壇父潛事李氏歷令漢
陽石埭因家池州若水嘗舉進士不第謀北歸迺漁
釣采石江上數月乘小舟載絲繩維南岸以度江之
廣狹開寶三年詣闕上書言江南可取狀太祖令送
學士院試本科及第授舒州軍事推官嘗上言老母
親屬數十口在江南恐爲李煜所害願迎至治所詔
煜遣之後主方聞命即厚給齎裝護送至境上七年
召拜太子右贊善大夫會王師征江表若水爲鄉導
下池州八年以若水領州事先是州民保險爲寇若
水擊之連拔二砦擒其魁以獻餘皆潰散曹彬伐江
南從采石濟浮梁用若水本謀不差尺寸金陵平擢

侍御史乘傳按行江南詢訪利害尋授江南轉運使
凡後主用兵權宜調斂若水悉奏爲常額若水之爲
人大略可見彼其生平專精肆力以量江者悉得施
用足矣而俘池州之義師增江南之賦役惟殘忍故
鄉是務不亦過哉厥後身名不卒慙死西川 稱太
宗嫉若水輕佻又載其辭辨捷給蓋縱橫捍闔之效
彰矣獨是浮梁濟師一事南唐因以存亡似屬奇計
按曹彬傳彬分兵繇荆南順流而東破峽口砦進克
池州連克當塗蕪湖駐軍采石磯十一月作浮梁跨
大江以濟師十二月大破其軍於白鷺洲八年正月
又破其軍於新林港二月師進次秦淮江南水陸十
餘萬陳于城下大敗之俘斬數萬計及浮梁成吳人
出兵來禦破之於白鷺洲夫采石去白鷺洲秦淮尚
九十里旣曰作浮梁于大江是采石也師次秦淮又
曰及浮梁成吳人出兵來禦豈金陵又有浮橋邪又
潘美傳進次秦淮時舟楫未具下令曰美受詔提
果數萬人期於必勝豈限此一衣帶水而不徑度乎
遂麾以涉大軍隨之吳師大敗及采石磯浮梁成吳
人以戰艦二十餘鳴鼓沂流來趨利美麾兵奮戟奪
其戰艦擒其將又李漢瓊傳自斬春攻岐口砦斬首

數千級獲樓船數百艘沿流拔池州破銅陵取當塗
作浮梁于牛渚以濟大軍分圍金陵率所部度秦淮
取巨艦實葦其中縱火攻其水砦拔之漢瓊傳所言
牛渚即采石也岐口即峽口故是刻誤據潘美傳亦
是先渡秦淮而後成浮梁者秦淮水經金陵都城流
入江雖甚涸未可徒涉且彬美諸帥至秦淮已屢破
之白鷺洲新林港奚事浮梁況池皖姑孰諸邑新定
何詎不可渡師而待浮梁之成蓋彬將水師美領步
卒美從江陵直趨秦淮已涉而敗吳軍彬率戰艦乘
流抵采石美復來往犄角以浮梁先後濟師屢進屢

勝長圍金陵自七年十月軍采石至八年十一月江
南方陷其間攻取不可殫述彬爲都部署美爲都監
故彬傳言大破其軍稱之重辭之複不別指美而太
祖紀亦云十月丁卯彬敗江南軍于采石擒兵馬部
署楊收都監蔡震等千人爲浮梁以濟是亦專錄彬
之功之辭也彬美雖東下皖口湖口尚有唐兵池州
尚有義砦師行糧從甚難故以浮梁會濟爲便讀史
者以意逆志可乎彬傳言九月奉詔與李漢瓊田欽
祚先赴荆南發戰艦潘美率步兵繼進美傳亦言九
月遣美與劉遇等卒兵先赴江陵雖水陸事分而並

稱先赴頗混淆新林港帝紀作新竹砦名雖不殊字亦小異而記江南事者則曰潘美造浮梁于采石帥步兵渡江不別指彬豈浮梁所渡實美所部而後至策應者乎何其先不共次秦淮乎抑嘗爲吳軍所斷留滯江北至是始渡而史稍諱且飾之者乎惟若水傳云方議南征命高品石全振往湖南造黃黑龍船以大艦載巨竹絙自荆南而下遣八作使郭守濬等率丁匠營之議者以謂江濤險壯恐不能就乃於石牌口試造移至采石三日橋成不差尺寸從知古之請也知古乃若水雍熙初賜名夫彬以十一月作浮梁跨大江明年二月浮梁成則製船工匠凡歷冬春而采石連舟尚經三日儻宋史不爲若水立傳浮梁一事歸之彬美漢瓊輩矣吾以爲李後主素悞不斷此時吳越助攻國步已蹙無浮梁彬美決以長圍力戰下之況江南兵水陸十餘萬背城而陣都虞候朱令贇自湖口帥衆入援順流將焚采石浮梁彬聞遣王明密令人樹長木于洲渚間若帆檣狀令贇望見疑有伏逗撓不敢進勢促因縱火拒戰會北風甚火反及之大潰儻令贇之計行浮梁未必久爲彬美用昔者晉王濬入吳方舟百里縱橫江之鐵無益浮梁

其可恃爲奇策乎後主初聞作浮梁語其臣張洎洎對曰載籍以來長江無爲梁之事後主曰吾亦以爲兒戲耳若是是浮梁足爲江南存亡也破朱令贇者或言王明或言劉遇奚足辨石牌口吾未之游歷江南北岸相去或十里或六七里或五里許六百丈可謂至狹不於此試而先于石牌口試又不令若水督工而令守濬營造固知水陸兵必多未至若水知池州時方攻二砦宜未遑及此惜池之主砦者不傳其地志與人名二砦忠於江南而戾于若水若水寧不滅此朝食鑿數過六百丈未嘗泊舟今年己卯秋江岸波濤澎湃念如此水勢浮梁必危六百丈雖狹亦廣也當時若水引繩而量其裴徊虧蔽拓落無聊不知何似江干人不過以漁翁釣徒視之而已若水嘗有閒吟秋浦月華靜醉臥九華雲片高之句子漢公宋賜學究出身今其詩文家系並湮滅不彰也池州以下采石以上若水當一一讀有尺寸而六百丈僅傳岸谷變遷未知今尚如故否漫爲列之

縣河在縣西門外引天井湖之水入江

天井湖在縣東門外

大通河在縣西南四十里與貴池縣分界其源詳貴池

山川口北有鎮宋周必大乾道六年五月壬戌明設遞運所河泊所
裁巡檢司存

宋楊萬里舟過大通鎮

淮上雲垂岸江中浪拍天順風那敢望下水更勞牽
蘆荻偏留纜漁罾最礙船何曾怨川后魚蟹不論錢

明汪廣洋江上

大通港口柳如煙簇簇人家賽輞川候吏頗諸巡邏
事插旗搥鼓送行船

李宗泗大通江上

雙槳衝搖下大通隔林煙火隔溪鍾笙簧鳥雀清還
濁水墨江山淡更濃沽酒有邨垂柳鎖採樵無路落
花封甑中不用吞雲夢一覽煙波幾萬重

王守仁泊舟大通

扁舟經月住林隈謝得黃鸝日日來兼有清泉堪洗
耳更多修竹好銜杯諸生涉水攜詩卷童子和雲掃
石苔獨奈華峯隔煙霧時勞策杖上崔嵬

紀伯明泊大通港

夜泊大通港迢迢數驛程江流山欲動潮長月初生
亂磧飛鴻影虛簷警柝聲此時雙闕下兒女話燈明

黃火作灑河在縣東北六十里有鎮其河由荻港入

江舊傳黃巢縱
火於北故名

車橋湖在縣南四十里其水由大通河入江

東西二湖在縣南栖下者從分流坊七寶冲匯于鳳心
間達秋港

鳳心間河在縣南十五里受東西二湖之水明時慮其
滯為田害築是閘以洩蓄之其河闊止六七尺翼以兩
堤蜿蜒八十餘里至秋港入江最為圩田之利

池州府志卷第十四